



Skeiða- og Gnúpverjahreppur

Reglugerð um tómstundastyrk í Skeiða- og Gnúpverjahrepp

1. gr. Forsendur og markmið

Skeiða- og Gnúpverjahreppur styrkir tómstundaiðkun barna í sveitarfélagini með árlegu framlagi. Tómstundastyrk er ætlað að greiða niður æfingar- og/eða þáttökugjald og er meginmarkmið tómstundastyrksins að gera öllum börnum á aldrinum 6-18 ára kleift að taka þátt í uppbyggilegu íþrótt-, lista- og tómstundastarfi.

Upphæðin sem greidd er í tómstundastyrk skal vera hámark þeirra upphæðar sem ákveðin er í fjárhagsáætlanagerð hverju sinni.

2. gr. Skilyrði fyrir veitingu tómstundastyrks

Foreldrar/forráðamenn barna og ungmenna á aldrinum 6-18 ára sem eiga lögheimili í sveitarfélagini geta sótt um tómstundastyrk.

Meginskilyrði styrksins er að starfsemin sé á forsendum uppeldislegra gilda og forvarna. Tómstundastyrkur er veittur vegna þátttöku barna í skipulögðu íþrótt- og tómstundastarfi sem kennt er undir handleiðslu kennara eða þjálfara.

Dæmi um hvað er hægt að nýta styrkinn í:

- Skipulagt frístundastarf sem stundað er undir leiðsögn þjálfara, kennara eða leiðbeinanda. Það á við um allt íþrótt- og tómstundastarf sem stundað er á vegum íþróttafélaga, dansskóla, skáta, tónlistarskóla ofl.
- Íþrótt- og tómstundanámskeið barna sem haldin eru í sumarleyfum.
- Skipulögð námskeið s.s. listnámskeið, reiðnámskeið, sjálfsstyrkingarnámskeið og skipulögð námskeið innan líkamsræktarstöðva.

3. gr. Almennt um fyrirkomulag

Styrkurinn er veittur á ársgrundvelli, hann er ekki hægt að færa á milli ára en styrkupphæð hvers árs gildir fyrir tómstundastarf sem stundað er og greitt það ár.

Sækja þarf um styrkinn á heimasíðu sveitarfélagsins og jafnframt skila inn frumriti af greiðslukvittun þar sem kemur fram nafn og kennitala félags, nafn barns og kennitala, dagsetning greiðslu, æfingatímabil, upphæð sem greidd er og fyrir hvað er greitt.



Skeiða- og Gnúpverjahreppur

Styrkinn þarf ekki að greiða út í einu lagi, hægt er að sækja um styrk „jafnóðum“ og gjöld koma til greiðslu.

Samþykkt í sveitarstjórn Skeiða- og Gnúpverjahrepps 15. september 2021


Sveitarstjóri
Skeiða- og
Gnúpverjahrepps
Sylvíá Karen Heimisdóttir, sveitarstjóri